

برنجی سنه ۰ نومرو ۲

برنسیخه یی ۱ چار نکه در

۱۵ ذی الحجه سنه ۱۴۹۶



مجموعه علوم

هر عربی ایک برزده واون بشنده نشر اولنور

اولشدر کرچه صدر اسلامه جمله نك تحیتی سلام
ایدی لکن صکره ملوک اسلامیه دولتری ظهور
ایدوب هر دولتک بر کونه عرف وعادت اولوب
هر سنه صحابه زمانده کی کبی قالمق اطوار
دولت وتباین دیار وعادت اقتضا ایلدی انلر
اراسنده سنت اولان امورک اکثری اونودولوب
هر برینی اجرا رعایت عادتلرینه مغایر اولغله انجق
روایت کتابلرنده اسمی ورسمی قالدی کیدرک
فرائض و واجباته بله مسامحه اولنور اولدی سلفده
کیچن ملل وادیان دخی جمله بویله در عاده الله
بونک اوزرینه جاری اوله کیشدر هیچ بر پیغمبرک
امتی اولندن اخرنه دک جمله سنتی رعایتله اجرا
ایده مدیلر عالم کون وفساده بر حال برقرار
دکدر پس حضرت رسول اکرم صلی الله علیه
وسلم زمان سعادتلرنده و اذا حیتم بتحیة
فحیوا باحسن منها اوردوها مقتضاسنجه
بر اوغلنچق حضور شریفلرینه داخل اولسه
السلام علیکم دیر ایدی انلر دخی وعلیکم السلام
ورحمه الله وبرکاته دیورده سلام ایدرلردی
خلفاء راشدین عصرلرنده سایر اصحاب
کرام و اهل اسلام بوموال اوزره سلاملشرلردی
صکره بنی امیه وال عباس دولتلرنده بعض عادتلر
ظهور اتدی هر قومک اراسنده بر نوع تحیه شایع اولوب
یراشدی قالدی حالا دولت عثمانیه ده عادت
مثلا پادشاهلر حضورنده سلام یرینه یراو پرلر
اکا بر دین و دولت حضورنده خصوصاً علما
رکوع وانحنا ایدرلر سائر اراذل نس کیمی
صباح الخیر کیمی عشق اوله دیو اسلشر
و نیچه سی دخی سنت اوزره سلام و پرور
امدی بو عادتلر سنه مخالف قدر فراغت ایلک دیو
بونلره نزاع وجدال حما قدر زیرا دفعالله ذکر
اولندی که بر قومک عرفی تغییر مشکدر بواصل
نسنه لرده خلق کندی حانه قویوب امر دین

و دنیا به ضرری عام ونظامی مخل معناری
کوره لر اولاملوک حضورنده وغیری یرده یر
او بیکله بعض فقرا اکا بری تحیه ایدر و بعض
ورع خشک اصحابی کافر اولدک بزی و بالله
قودک دیو عظیم انفعال کوستر فقیری
حجاب آتشنه یا قار نه کفردن خبری وار نه
وبالدن زیرا موجب کفر اولان سجده اعضا
سبعه اوزرنه اوچ کره سبحان الله دیچک قدر
مخلوقه عبادت نیتی ایله اولان سجده در سجده
تحیه ائم سالفه عصرلرنده مشروع ایدی
اسلامده منسوخ اولدی ظاهر بودر که یراوپن
کنه عبادت قصدی ایله یدی عضوی اوزرنه
اولقدر زمان طوروب سجده ایلمز کفر
و وبال ندن لازم کاور ال اتک اوپوب رکوع
وانحنا وسائر الفاظ ایله سلام وتحیتک انجق سنه
مخالفتی وارد اول دخی عرف وعادت ترک
اولنمق عذری ایله معفودر زیرا برکسه بیوکلر
مجلسنه وارب سلام و یرنه استخفافه حمل
اولنمق ارالرنده عادتدر انکی چون عرف وعادت
ورسوم ادبیه رعایت ایدرز کذلک طالبلر استاذ
حضورنه وارد قدده رکوع وانحنا ایلمز سه ده
سکوت ایلده زیرا فی زماننا سلام مساواة وقرانیة
رتبه سنی اشعار اتد کندن غیری کبار وصغار
بیننده جاری اولان عادت ادبیه رعایت اتممش
اولورو بوندن استاذینک خاطرنه یرکاور امدی
امر بالمعروف نهی عن المنکر ایدن افندیلر بود قایق
بلمک کرک خلقی مألوف اولدوغی معنادن
دوندر مکه عبث یره سعی ایدوب تضييع اوقات
اتمک کرک زیرا بردفعه سویله ک ایله قطع
معذرت حاصل اولور تأثیر ایلمز سه دخی
زیاده می کوزه لکدر مفید اولماز
بحث سابع عشر امر بالمعروف
نهی عن المنکر بحثی در

اهل اسلام علمانی اختلاف ایدوب بعضی
مطلق واجبدر وکیمی مطلق واجب دکلدر
دینی اما حق بودر که مأمور به ومنهی عنیه
تابع اوله واجب وحرامده واجب و مکروه
ومندوبده مندوب اوله (س) امام سیف الدین
امدی ابکار افکارده وجو بنه یدی قید ذکر
ایدوب علامه عضد الدین موافقه وسید شریف
جرجانی شرحنده انلری ایراد وایکسینی شرط
اولتی اوزره سوق ایلدیلر
قید اول بودر که آمر و مأمور مکلف
وخطابه اهل اوله

قید ثانی آمر مأمور به معروف ومنهی
عنه منکر اولدوغنی بیلله کندی عامل وعادل
اولتی لازم دکل مثلاً فاسق مجلس فسقده
کندی ایچرکن غیریله ایچمک دیه زیرا
کندی ایچمک واجب ایچمک دیمک دخی
واجب برواجی ترکدن او برواجی دخی ترک
لازم کلز واجب ترکی واجب اخر فعلنی منافی
دکلدر نهایت ایکسینی دخی یرینه کترسه
عدالت بولنور تاثیر زیاده اولور بوخصوص
دخی سایر شروط و قیود یرنده اولدوغنی تقدیرده
واجب اولور

قید ثالث بودر که مأمور به واجب ومنهی
عنه جرم اوله والا امر ومنهی واجب اولماز
نتکه ذکر اولندی

قید رابع بودر که وجوبی قطعی اوله
وجوب صلوة و تحريم خمر کبی اگر مسائل
اجتهادیه دن یعنی مختلف فیها اولان مسائلدن
اولورسه امر ومنهی واجب اولماز

قید خامس کنیدن غیری آمر وناهی اولیه
(س) اما امام غزالی احیاده دخی تفصیل
ایدوب تنک کتمشدر مالی کیرو بو اجماله
راجعدر

اولورسه واجب کفایه در هر ناحیه ده برکسه
بولورسه کفایه ایدر اما برکسه برمنکر کورسه
سائر شروط و قیود یرنده اولسه آخر واردر اوله دیو
ترک ایلمز زیراجاتر که غیری مکسه اکامطاع
اولیه

قید ثالث و شرط اول بودر که امر بالمعروف ونهی
عن المنکر اولدوغنی تقدیرده مأمورک حصولی
ومنهی نک زوالی رجا اولنه یعنی خلق اصرار
اتممک وفتنه به باعث اولمق طرفی غالب وراجح
اوله ایله اولمزه واجب اولماز انجق شعار اسلامیه
اظهاری ایچون نزاع سنجدالسنز برکسه ایدرسه
فتنه اولمق شرطیله مستحبدر

قید سابع و شرط ثانی بودر که بحث و تجسس اولیه
تفتیش و تفحص سزاوله زیرا تجسس اظهار
فاحشه به سعی و حرام در حق تعالی کتاب
کریمنده ولا تجسسوا والذین یحبون ان تشیع
الفاحشة فی الذین امنوا لهم عذاب الیم بیوردی
وحضرت رسول اکرم صلی الله علیه وسلم
حدیثنده من تتبع عورة اخیه تتبع الله عورته
وبر حدیثنده دخی من ابتلی بشیء من هذه
القاذورات فلیسترها یستر الله تعالی فان من ابدی
لنا صفحته لقنا علیه حد الله بیوردی ودأب
شریفلری منکراتی عدم تجسس وستر ایله امر
ولطف وکرم ایله معامله ایدی اشاعة فاحشه به
تعرض سومزلردی ومنکر اظهارنی کریه کوروب
ستر ایلك دیرلردی فاحشه به متعلق امور
دعوا سنده ستری مشعر لعل وعسی ایله تعلل
بیورلردی

ایشته امر بالمعروف ونهی عن المنکر واجب
اولمغه بوقدر شروط و قیود واردر بولرک
بری بولورسه واجب اولماز استحباب
مقامنده قالور فتنه احتمالنده بلکه ترک لازم
اولور قلبندن انکار کفایت ایدر پس امر

بالمعروف نهى عن المنكر ايدرز دينلرك مديعاسى
وسوزلىرى بومحمله عرض اولندقدنه شكل ايمش
بيلينور حضرتك امتى ايله معامله سى لطف
وكرم يوزندن ايكن آخر زمانده كلن مدعيلر
كندى حضرتته اتديكى مخالفت عيبنى كورميوب
جزئى بهانه ايله امتك كيمن اكفار وكيمن
تضليل وتفسيق ايدوب اللهدين قورقز پيغمبردن
اوتانمز خلقى تعصب دردنه دوشوروب تفرقه يه
سبب اولور عوام شروط وقيودى بلمرلهر نسنده
امر بالمعروف ونهى عند المنكر واجب در صانوب
برى برى ايله نزاع ولج ايدوب كور طاشلاشر
كبي اتدكارى باطل جدال كاهى قتاله مؤدى
اولور اهل اسلامك برى برلى ايله جنك وجدالى
اكثربو خصوصه مبنى در

بحث ثامن عشر ملة بحثى در

معلوم اوله كه ملة ودين وشريعت معنارى
يئبنده اعتبار ايله مغايرت و فرق وارايسه ده
مالى اولو العزم انبيادن بر پيغمبرك امتنه كترديكى
معناله راجع اولور فلان پيغمبرك ملتى وشريعتى
ودينى ديرلر جمله انبيا اصل توحيدده متفقلدر
اصولده اختلاف يوق اختلاف فروعه در
پس دين اسلام وملة اسلاميه اصولده واكثر
فروعه دين وملة ابراهيم عليه السلامه موافق
اولغله انلره اضافتله مشهور اولدى عصر مزده
اكا بر علمادن بعض افاضل امت محمددن
بركسه ملة ابراهيمدنم ديمك جائز ميدرديو سوال
اولندقدنه جائز دكلدر ديو جواب ويروب بر مفصل
وبر مختصر رساله يازب كتب اصول وتفاسيردن
نقل واستدلال ايله تحقيق مبحث اتدكدنصكره
بعض مشايخ دخی رساله يازب زمينه جه رد ايلدى
فقير دخی بومقام ده اوج مقاله ايراد ايدوب اولدى
باحث فاضل كلامى مالى ايكنجه دى شيخ
محبيب سوزينك نتيجه سنى ذكردن صكره

اوچنجهى مقاله ده محاكمه ايلدى
مقاله اولى فاضل مزبور رساله سنده
بووجهله تحرير و دعوى ايدزكه كتب اصولده
شرايع من قبلنا ده اوج وجه واردر برى مقدم
كلن نينك شريعتى ايله عمل بزه لازم اوله اول
نينك شريعتى اولقى اوزره مكر نسخ ثابت
اوله برى دخی مقدم كلن نينك شريعتى ايله
عمل بزه لازم اوليه مكر بقاسنه دليل اوله اوچنجهى
بوكه مقدم كلن نينك شريعتى ايله عمل بزه
لازم اوله لكن بزم نبى مكر شريعتى اولقى اوزره
مقدم كلن نبى نك شريعتى اولقى اوزره دكل
بوشرطيله كه الله تعالى ياخود پيغمبر عليه السلام
اول نبى نك شريعتى اولدوغن بيان ايليه بيان
دخی على وجه الانكار اوليه فيخر الاسلام
پژدوى اصولنده بزم يانمزده صحيح ومذهب
مختار بودرديمشدر وبالجمله كتب اصولده
قرار ويريلن مذهب براولوب اثباتيچون وجوه
استدلال بسط اولنمشدر جمله وجوه دن برى
حضرت عليه السلام محاسن شريعتدن كچن
اموره واردر اهم سالفه كتابلى وشرايعى
حضرتيه واتباعنه على طريق الارث انتقال ايليوب
نسخ اولنميان ماده لرده بزم پيغمبرك شريعتى
وملتى اولقى اوزره عمل اولور مثلا شريعت
وملت على طريق الارث انتقال ايدنجه ميراث
مقدم مورث ايچون ثابت اولوب انك ملكنه
اضافت اولور كن وارثه انتقال ايلدكده وارثه
مضاف اولور مورثه مضاف اولماز ومورثك
انده علاقه سى قالماز امدى بو شريعت حضرت
ابراهيم ملتى در يعنى اكا مضاف ايدى حق
اولدوغنى حالده باقى قالدى وحضرت محمد
عليه السلامه انتقال ايليوب انك اولدى
حضرت ابراهيمك علاقه سى قالدى بو وجهى
شارح پژدوى صاحب الكشف وتقرير صاحبي